

INDICE:

- 1- DEFINICIÓN E ORGANIZACIÓN
- 2- PARTICIPACIÓN
- 3- CALENDARIO E FORMATO DO CAMPIONATO
- 4- INSCRICIÓN
- 5- UNIFORMIDADE
- 6- MEDALLAS E TROFEOS
- 7- DESPRAZAMENTO E HOSPEDAXE
- 8- VARIOS
- 9- APROBACIÓN E MODIFICACIÓN

1. DEFINICIÓN E ORGANIZACIÓN

- 1.1. Consideraranse Campionatos de Galicia todos aqueles recoñecidos como tales pola Federación Galega de Tiro con Arco (en adiante FGTA) e que, ademais, figuren no calendario oficial da mesma.
- 1.2. Todos os Campionatos de Galicia estarán organizados pola FGTA, a cal poderá solicitar a colaboración dos clubs ou calquera outro organismo ou entidade.
- 1.3. Para o desenvolvemento e celebración de cada un dos Campionatos (1º - Aire Libre Arco Recurvo, Arco Composto, Veterano, Senior, Xuvenil e Cadete; 2º - Aire Libre Arco Recurvo, Arco Composto Infantil, Alevín, Benxamín e Esquí; 3º - Aire Libre Arco Tradicional, Arco Desnudo; 4º - Sala Arco Recurvo, Arco Composto, Veterano, Senior, Xuvenil e Cadete; 5º - Sala Arco Recurvo, Arco Composto Infantil, Alevín, Benxamín e Esquí; 6º - Sala Arco Tradicional, Arco Desnudo; 7º - Campionato Galego de Recorrido de Bosque 3D) atenderase ao establecido nesta Normativa, ás circulares de cada Campionato e ao que establezan os Regulamentos e Normativas da WA e da RFETA.
- 1.4. Para que a un Club, Delegación, ou entidade, se lle conceda o desenvolvemento dun Campionato Galego, deberá presentar a súa candidatura á Asemblea Xeral, por escrito e cunha breve memoria descritiva das instalacións a utilizar e demais cuestións organizativas. A designación da sede farase mediante votación dos asistentes á Asemblea, por maioría simple. A estes efectos, a Federación Galega de Tiro con Arco (FGTA) disporá dun protocolo de condicións mínimas a cumprir que firmarán ambas entidades (Ver Modelo de Protocolo).
- 1.5. No caso de non haber candidaturas, a FGTA poderá contactar con algún Club ou entidade para a súa celebración, ou ben asumila directamente.



NORMATIVA Nº 1

CAMPIONATOS GALEGOS



1.6. A entidade colaboradora comprometerase a cumprir co establecido nesta Normativa, na circular de convocatoria correspondente e no protocolo de condicións mínimas. No caso de non cumprir co establecido reterase a eventual subvención da FGTA.

A subvención aboarase despois da celebración do Campionato, sempre e cando a documentación da competición (actas e resultados) estea en poder da FGTA.

1.7. A FGTA designará o Comité Técnico do Campionato Galego, podendo a entidade colaboradora propoñer os Xuíces e o Director de Tiro. Os gastos de desprazamento e manutención de dito Comité Técnico correrán a conta da FGTA.

1.8. A FGTA nomeará un Comité de Apelación para cada Campionato Galego, con competencias segundo as normativas da WA e da RFETA.

2. PARTICIPACIÓN

2.1. Poderán participar no Campionato Galego os/as arqueiros/as con licenza tramitada a través da Federación Galega de Tiro con Arco. No caso de quedar postos de tiro vacantes, poderán ocuparse con arqueiros/as con licenza da RFETA ou de calquera outra Federación recoñecida pola WA. Para poder optar ao título de Campión/a Galego/a de Tiro con Arco, deberán ter a condición de galego/a segundo establece a Lei do deporte.

2.2. Os arqueiros/as con licenza tramitada a través da FGTA poderán inscribirse nos Campionatos de Galicia da clase á que pertencen, así como en calquera campionato de clase superior, excepto na de Veteranos. Os arqueiros/as Veteranos poderán participar como Senior en campionatos nos que estea convocada a dita clase.

2.3. O número de arqueiros/as estará limitado pola capacidade das instalacións. O número de parapetos deberá ser, como mínimo, de vinte (20). O Club, ou entidade colaboradora comunicará o número exacto antes da emisión da circular correspondente.

2.4. O número mínimo de inscritos para que nunha categoría se poidan proclamar Campións/as Galegos/as será de catro (4).

2.5. Os Campións/as, Segundos/as e Terceiros/as Clasificados/as de cada categoría serán proclamados ao finalizar cada Campionato Galego. As distintas clasificacións dos Campionatos Galegos realizaranse baixo as normas da WA e da RFETA en vigor.

3. CALENDARIO E FORMATO DO CAMPIONATO

3.1. O calendario e formato do Campionato Galego determinarase na Asemblea Xeral, e detallaranse na circular da convocatoria. Intentarase que a data do Campionato Galego sexa, polo menos, un mes antes que a data do Campionato de España correspondente.

3.2. A competición poderá ser ao aire libre ou en sala, e dependendo o seu desenvolvemento do Campionato de España correspondente.

3.3. Celebraranse series eliminatorias e finais en todas as categorías con catro (4) ou máis inscritos, excepto nas categorías de Alevín, Benxamín e Esquíu, nas que non se celebrarán eliminatorias. As eliminatorias conformaranse da seguinte forma:

-Con catro (4) inscritos, Final para 1º e 2º. O 3º e 4º será por puntos.

-Entre cinco (5) e oito (8) inscritos, comezarán en semifinais.

-De nove (9) inscritos cara adiante, comezarán en cuartos de final.

De tal forma que ningún/a arqueiro/a acceda con pase directo, excepto no caso de que un/ha arqueiro/a se retire.

3.4. As eliminatorias e finais individuais en cada una das categorías desenvolveranse de acordo co Regulamento WA e/ou da RFETA.

4. INSCRICIÓNS

4.1. A solicitude de inscrición enviarase polos Clubs inscritos na FGTA e, a ser posible, nun único envío ao/s enderezo/s, e polos medios indicados na convocatoria.

4.2. A inscrición realizarase mediante os formularios adxuntos á circular da convocatoria. Non se admitirá ningunha inscrición que non veña correctamente cumprimentada (nº de licenza, apelidos e nome, división e clase).

4.3. O prazo de inscrición anunciarase oportunamente na circular do campionato correspondente, finalizando dez (10) días antes da data do Campionato Galego.

4.4. No caso de que o número de inscricións supere a capacidade do campo, as prazas asignaranse por esta orde:

1º. Campións/as Galegos/as da edición anterior.

2º. Arqueiros/as incorporados á disciplina da RFETA.

3º. Os xuíces que actuasen como tales en a lo menos dúas competicións das validadas para elaborar o ránking.

4º. Catro (4) prazas para cada una das categorías Veterano, Senior, Xuvenil e Cadete (as catro primeira do ranking, una vez asignadas as dos apartados 1, 2 e 3).

5º. Catro (4) prazas para cada una das categorías Infantil, Alevín, Benxamín e Esquíos (as catro primeiras do ranking, una vez asignadas as dos apartados 1, 2 e 3).

6º. Ránking individual para os demais inscritos, segundo a Normativa 9, hasta completar razoablemente o campo.

7º. No caso de non estar elaborado o ránking, terase en conta a orde de inscrición.

4.5. O/A arqueiro/a inscrito poderá renunciar á súa participación ou modificar a súa inscrición ata sete (7) días antes do día da competición. No caso de non facelo, ou non presentarse á competición, o seu Club deberá aboar igualmente o custo da inscrición, excepto por causas de forza maior debidamente acreditadas.

4.6. Non se admitirán inscricións de arqueiros/as que non teñan a súa licenza en vigor antes de efectuar a inscrición.

5. UNIFORMIDADE

5.1. Aplicarase o regulamento da WA e da RFETA en vigor. Estarán prohibidos os pantalóns vaqueiros e/ou roupa de rúa. O seu uso conlevará a descalificación do/a arqueiro/a desa competición.

Todos/as os participantes poderán levar prendas distintivas do seu Club, podendo levar a publicidade que desexen.

5.2. O/a Capitán/a, Entrenador/a ou Delegado/a dun club poderán tamén levar alguna prenda distintiva do seu Club, así como a publicidade que desexen.

6. MEDALLAS E TROFEOS

6.1. Outorgaranse trofeos aos tres primeiros clasificados de cada categoría, indicando a súa clasificación (Campión/a, Subcampión/a e Terceiro/a Clasificado/a), sempre que se cumpra o disposto no artigo 2.4.

Nas categorías cadete e menores, entregarase medalla a todos os participantes que non obteñan trofeo.

Nas categorías onde non se dispute o seu campionato, por non cumprir o artigo 2.4., a entidade colaboradora na organización do Campionato Galego poderá conceder trofeos, dispensando o mesmo recoñecemento a todas as categorías, previo acordo coa FGTA; salvo para as categorías cadete e menores, nas que se entregará trofeo ao primeiro/a clasificado/a, sin poder ser declarado/a campión/a, e medalla a o resto dos participantes.

Ao final de cada tempada a FGTA entregará aos/ás arqueiros/as que se proclamasen Campións Galegos un diploma acreditativo de tal condición.



NORMATIVA Nº 1

CAMPIONATOS GALEGOS



7. DESPRAZAMENTO E HOSPEDAXE

7.1. Todas as xestións, gastos de desprazamento, hospedaxe e manutención estarán a cargo, e serán responsabilidade, dos/as propios/as arqueiros/as. A FGTA e o Club, ou entidade colaboradora, non se responsabilizan, baixo ningún concepto, dos problemas que se poidan ocasionar por estas cuestións, nin polos servizos recomendados polo organizador na convocatoria.

8. VARIOS

8.1. Calquera cuestión non contemplada nesta Normativa será resolta pola Directiva da FGTA, e posteriormente trasladada á Comisión Delegada para a súa ratificación, se procede.

8.2. Para os Campionatos Galegos de sala solicitarase á RFETA o recoñecemento como Postal de Sala clasificatorio para o Campionato de España Absoluto.

9. APROBACIÓN E MODIFICACIÓNS

Normativa aprobada pola Asemblea Xeral do 9 de abril de 2006

Modificada na Asemblea Xeral do 1 de abril de 2007

Modificada na Asemblea Xeral do 13 de abril de 2008

Modificada na Asemblea Xeral do 05 de abril de 2009

Modificada na Asemblea Xeral do 25 de abril de 2010

Modificada na Asemblea Xeral o 10 de abril de 2011

Modificada na Comisión Delegada do 27 de novembro de 2011

Modificada na Asemblea Xeral o 22 de abril de 2012

Modificada na Asemblea Xeral do 20 de abril de 2013

Modificada na Asemblea Xeral do 28 de marzo de 2015